

treubhan Israeil 'an ceann a chéile.

6 Biodh Reuben beò, agus na faigheadh e bàs; agus bitheadh a dhaoine *lionmhor* 'an aireamh.

7 Agus *is e* fo *beannachadh* Iudaih: agus thubhairt e, Eisd, a Thighearna, guth Iudaih, agus thoir e chum a shluaigh: biodh a làmhnan foghainteach dha, agus bi-fa a'd' chomhnadh^a aige o naimhdibh.

8 Agus mu Lebhi thubhairt e, *Biodh* do Thummim agus t'Urim aig t'aon naomha, a dhearbhu thu aig Masah, ris an d'rinn thu strì aig uisgeachaibh Mheribah;

9 A thubhairt r'a athair agus r'a mhàthair, Cha 'n fhaca mi e; agus cha do ghabh e^b r'a bhràithribh, agus cha d'aithnich e a chlann fein: oir choimhid iad t'fhocail, agus ghleidh iad do choi'-cheangal.

10 Teagaisgidh iad do bhreitheanais do Iacob, agus do lagh do Israel: cuiridh iad tùis fa d' chomhair, agus làn iobairt-loisgte air t'altair.

11 Beannaich, O Thighearn, a mhaoin^c, agus gabh re. obair a làmh: buail tre leasraidh na muinntir a dh'éireas 'na aghaidh, agus na muinntir le'm fuathach e, chum nach éirich iad aris.

12 Mu Bheniamin thubhairt e, Gabhaidh aon gràdhach an Tighearna còmhnuidh ann an tèaminteachd laimh ris; agus còmhdaichidh an Tighearn e rè an là uile, agus gabhaidh e còmhnuidh eadar a ghuaillibh.

13 Agus mu Ioseph thubhairt e, Beannaichte o'n Tighearna *gu robh* fhearann, a thaobh nithe luachmhor nèimh, a thaobh an drùchd, agus a thaobh na doimhne tha 'na luidhe fhios,

14 Agus a thaobh nan toradh luachmhor a *bheirear a mach* leis a' ghréin, agus a thaobh nan nithe luachmhor a chuirear a mach leis gach mìos^d,

15 Agus a thaobh prìomh^e nithe nam beann sean^f, agus a thaobh nithe luachmhor nan sliabh sìorruidh,

16 Agus a thaobh nithe luachmhor na talmhainn, agus a làn, agus deagh - ghean an Ti sin a bha còmhnuidh 'fa' phreas: thigeadh an *beannachd* air ceann Ioseph, agus air mullach a chinn-fan a sgaradh o bhràithribh.

17 Mar cheud-ghin a thairbh *tha* a sgèimh^g, agus *mar* adhaircean an aon-adharcaich^h *tha* adhaircean-fa: leo fo purraidhⁱ e'n sluagh le chéile, gu h-iomallaibh na talmhainn: agus *is* iad fo deich mìlte Ephraim, agus *is* iad fo mìlte Mhanaseh.

18 Agus mu Shebulun thubhairt e, Dean gairdeachas, a Shebuluin, a'd' dhol a mach; agus Isachair, a'd' bhùthaidh.

19 Gairmidh iad an sluagh a chum na beinne, 'an sin iobraidh iad iobairtean ionracais: oir pailteas nan cuan sùgaidh^k iad suas, agus ionmhais fholaichte na gaineimh.

20 Agus mu Ghad thubhairt e, Beannaichte *gu robh* efan a leudaicheas^l Gad: mar leòmhann tha e gabhail còmhnuidh, agus reubaidh

^a chongnamh. *Eir.*

^d leis a' ghealaich.

^b cha d'aidich e bhràithrean.

^c ceud, ard.

^e a neart, a

^f bheanntan an airde 'n ear. *Eabh.*